



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. Ad quid Deus praecepit nobis facere opera bona.

urn:nbn:de:hbz:466:1-29452



Hristus inquit Matth. 7. Omnis arbor mala, fructus malos facit: Quia ergo nos in peccatis concipimus & nascimur, Psalmo 50. sequitur quod opus nostrum a nostra natura profectum, non potest dici bonum: oportet igitur ut ab alio dicatur bonum, quam a nobis. Fit autem homo arbor bona, primò fide in Christum Iesum, quem Fides impetrat gratiam & fauorem Dei, & facit ut tunc opus placeat Deo. Nam sine fide Christi impossibile est, aliquid opus Deo placere, Hebr. 11. Rectificatur igitur homo & mutatur fide Christi, quae facit, ut opera illius, licet adhuc carne fragili fiant, attamen reputantur bona & iusta propter Christum: & sic ex gratia est, & ex Diuina imputatione, quod opus sit bonum & acceptum, non naturali sua dignitate & conditione. Et sic dicebat Propheta Iob 9. Verebar omnia opera mea, sciens quod non parceres delinquenti. Et Psalmus 142. Non iustificabitur in conspectu tuo omnis viuens. Imputatione ergo diuina, ex gratia opus nostrum dicitur bonum, Ephes. 2. Eramus natura filii ire, sed misericordia & gratia saluati estis per fidem, conditi ad bona opera, quem ordinat Deus ut in illis ambulemus.

Deus exigit a nobis interiora & exteriora opera & virtutes. Interiora sunt, fides, dilectio, timor Dei: hec sunt meliora & potissima opera, & notantur in prima tabula Moysis. Primò fides, ut toto corde illi fidamus: nam verax & fidelis est, & seruat certò omnia quae dixit & promisit: deinde, ut eum toto corde diligamus. Nam omne bonum venit ab ipso, & tamen nos non meruimus, sed ipse donat gratuitè ex misericordia & gratia. Postremò, ut illum timeamus, nam punit malos. Hæc omnia patent Exod. 20. Ego Deus zelotes, visitans, &c. Hæc sunt opera Spiritualia interiora & potissima, sine quibus

C 4 parùm

parūm prosunt exteriora: & illa vbiq̄e exigit Scriptura. Matth. 6. Primum quærite regnum Dei. Roman. 14. Regnum Dei non est potus & cibus, sed iustitia, pax & gaudium in Spiritu sancto. Sic etiā sunt opera potiora motus cordis, patientia, misericordia, gratiarum actio, &c. Et illa omnia cum primis exigit a nobis Deus, quare arguuntur Pharisæi, Matthæi 23. qui mentham, anethum & cynamum decimant, & maiora legis relinquunt, iudicium erga seipso, fidem erga Deum, misericordiam erga proximum. Alia sunt opera exteriora, quæ quoque Deus exigit, & sunt fructus interiorum virtutum, vt sunt præcepta secundæ Tabulæ. Et ad illa rediguntur orare, iejunare, psallere, vigilare, prædicare, &c. Sicut dicit Apostolus 1. Corinth. 9. Castigabo corpus meum. Sic tres pueri abstinebant se à cibo Regio Danielis primo. Et filij obedientes Rechab, Ieremiæ 35. Sed hæc exteriora sunt serui, interiora vero quasi Domini & præcipui: præferuntur præcepta Domini traditionibus humanis. Sed præcipit & exigit Deus hæc opera primò ad laudem & gratiarum actionem sibi pro acceptis beneficijs, sicuti ait Apostolus Philip. 1. Repleti fructu iustitiae ad laudem Dei. Deinde in exemplum & utilitatem proximi. Matthæi 5. Sic luceat lux vestra coram hominibus. Et 1. Pet. 2. Conuersationem vestram inter gentes habentes bonam, & Matthæi. 25. Esuriui, & dedistis mihi manducare, &c. Postremò ad domandam carnem, vt superbia per humilitatem, gula per ieunium, tentatio per orationem. Coloss. 4. Mortificate membra vestra. Et 1. Cor. 9. Castigo corpus meum. Sic per bona opera retinemus acceptam iustitiam. Rom. 8. Si secundum carnem vixeritis, &c. Sine igitur bonis operibus non retinetur gratia accepta. Ideo inquit Christus Ioā. 5. Ecce sanus factus es, iam noli peccare, ne deterius tibi aliquid contingat.

Hoc